

10067
:57



皇朝文獻通考卷九十一

郊社考一

郊



臣等謹按聖王之制祀典禮莫大於郊義莫重於配天惟天子父天母地得以行之三代之制冬日至則祀圜丘以大報天孟春上辛為民祈穀歲凡郊祀者再仲夏而雩夏至則祀方澤禮至備義至精也漢承秦制採緯書方士之說其禮叢雜不經又率領於祠官親祀者寡若南郊北郊分祀合祀

自漢及唐紛紜莫定宋世三年一郊於義為疏蓋其禮文太繁儀衛太盛賞賚太厚而肆赦尤濫非大禮必簡之義也明初合祀禮行而冬至反闕嘉靖定禮頗酌古今之中然祭多遣攝誠敬微矣恭惟

聖朝定制典文盛於三代損益邁於千古若乃齋必致嚴無故不攝尤前代所萬不能及者謹次第纂紀以昭

鉅典焉

崇德元年四月乙酉

太宗文皇帝肇祀

天於

圓丘

太宗文皇帝於是歲受

尊號改元先是天命元年貝勒以下諸臣奉上

太祖高皇帝尊號曰

覆育列國英明皇帝立國建元行焚香告

天禮而

郊壇之制未備

太宗光宅

盛京建

圓丘於德盛門外其制九成週圍一百十丈南門三東西

北門各一是歲天聰十年王貝勒以下諸文武大

臣以

太宗功德隆盛奉上

尊號曰

寬溫仁聖皇帝先期

太宗率王貝勒以下文武羣臣齋戒三日以

親祀

南郊建國號曰大清改元崇德是爲

本朝祀

天於郊之始舊例以生牢祭告卽以祭肉分給衆官

太宗論曰古帝王當未知火食之前卽行祭天之禮是以

用生牢致享後世特踵而行之未有易耳况以恭祀

上天之胙分給衆官令各於其家享之是反汚褻也可孰

而薦之於是定制祭

天用太牢熟薦

十一月乙丑冬至大祀

天於

圜丘

親詣行禮是時將征朝鮮齋戒三日以太牢致祀并告出

征是為冬至大祀

圜丘之始

五年冬至以

聖躬違和遣官恭代並令文武羣臣齋戒陪祀

七年冬至以

駐蹕納蘭遣官恭代齋戒如禮停止行獵

順治元年十月乙卯朔

世祖章皇帝定鼎燕京

親祀

南郊告祭

天

地即皇帝位先是七月癸巳以將遷都遣官告祭

上帝九月

皇朝文獻通考 卷九十一
駕入京師十月朔

躬祀

天

地行受寶之禮是日黎明

大駕出宮親王以下文武百官皆從函簿前導不奏樂出

大清門詣

園丘禮官恭導贊引如儀乃迎

神三上香畢

皇帝行四跪四叩禮羣臣隨行禮乃奠玉帛獻爵讀祝文

辭曰大清國皇帝臣廟諱敢昭告於

皇天

后土

帝鑒無私眷隆有德我

皇祖寵膺

天命肇造東土建立丕基及我

皇考開國承家恢弘大業臣以眇躬纘承鴻緒值明祚將

終姦雄蠱起以致生靈塗炭俟望來蘇臣欽奉

祖宗功德倚任親賢爰整六師救民水火掃除暴虐撫輯

黎元內外同心大勳克集因茲定鼎燕京以綏中國臣
工衆庶僉云

神助不可違輿情不可負宜登大位表正萬邦臣祇荷

天眷以順民情於本年十月初一日告

天卽位仍用大清國號順治紀元率由初制伏惟

天

地佑助早靖禍亂載戢干戈九州悉平登進仁壽俾我大

清皇圖永固為此祈禱伏惟

歆饗謹告讀畢

皇帝率羣臣行一叩禮亞獻終獻徹饌送

神皆如儀

皇帝復率羣臣行四跪四叩禮乃望燎灌奠如儀九奏樂

章改和為平詳見禮成樂考

皇帝入御幄南向陞座諸王羣臣以班序大學士奉寶奏

曰

皇帝已登大寶文武羣臣不勝懼忭學士奉寶置案上鳴

贊贊羣臣行三跪九叩禮禮畢

皇帝回鑾作樂還宮復

御皇極門今為太和門諸王大臣上表稱賀行禮同日遣官告

祭

太廟

社稷是年定制每歲冬至大祀

天於南郊

園丘以

大明

夜明

星辰

雲雨風雷為四從壇配享

十一月丁未冬至大祀

天於

園丘

親詣行禮冬至前三日以將行

親郊祭告

太廟是日禮部太常寺官設齋戒銅人於

武英殿正中越二日奉三亭於

武英殿貯祝版祭山香燭金爐祝版上書

御名送

園丘正祭日禮部尚書奉

昊天上帝神位於龍亭內奉安

郊壇第一成正位奉安

從祀四神位於第二成

皇帝親詣行禮禮成還告

太廟

二年十月定

郊祀齋戒及設玉帛祝文香亭儀注

詳見儀注

三年四月設守視

天壇

地壇

社稷壇官員

詳見職官

四年三月定大祀

南郊用牂牛之禮禮部奏言

國初定制祀

南北郊及

社稷壇向例俱用生牢今應如舊惟

南郊以牂牛一進

上得

旨照舊例如朕親祀則照例進牂牛遣官則止

五年十一月戊辰冬至大祀

天於

園丘奉

太祖高皇帝配享前期四日遣官四員告祭

天

地

宗廟

社稷正祭日

皇帝詣

壇行禮奉安

太祖高皇帝神位於

上帝神位之左旁青幄內一應禮儀俱與

上帝位前同

詳見儀注

八年三月定祭祀齋戒例凡大祀齋戒三月中祀

齋戒二日或

親祭或遣官恭代俱於

太和殿設齋戒牌銅人各衙門亦設齋戒牌如

親祭

南北郊王以下公以上各在家齋戒陪祀各官於各衙門

齋戒其不在部院衙門者於金水橋兩旁齋戒如

遣官代祀則

皇帝齋戒王公不必齋戒陪祀各官齋戒如前如

親饗

太廟祭

社稷

歷代帝王廟王以下陪祭各官以上俱於家內齋戒如

遣官代祀與

郊祀例同康熙年中定例齋戒前一日禮部太常寺

後專由太

常寺題請進齋戒牌銅人越日恭設於

乾清門中間東簷下各衙門俱設齋戒木牌若

郊壇大祀照例齋戒都察院遣官至齋所點齋大清會典

定制

南北郊祀

皇帝於大內齋宮致齋二日壇內齋宮致齋一日

頒勅羣臣誓戒百執事恭書於版王公陳設於府第文

武官陳設於公署各致齋二日隨壇齋宿日如饗

太廟祭

社稷

皇帝於大內致齋王公於府第文武官於公署各致齋

如祭各中祀

皇帝於大內致齋百官均於私第致齋凡陪祀致齋各

官不理刑名不宴會不聽音樂不入內寢不問疾

弔喪不飲酒茹葷不祭神不掃墓有疾有服者皆

弗與其有故違不到者察治之若小祀則不進齋

戒牌各衙門不致齋

四月定諸王文武羣臣陪祭扈從及送

駕接

駕儀注

詳見儀注

六月定大祀祗牲省牲之制凡大祀有祗牲省牲

之禮是年定制祀

圓丘

方澤先期三日遣公侯伯一人眠牲前二日遣禮部堂官
省牲至十四年二月

諭禮部

南郊祀

天理宜嚴重祀前一日朕親宿齋宮祀前五日朕親詣眠
牲如遣官恭代亦著詣壇齋宿眠牲永著為令其年舉
行祀典

親詣如儀故有

皇帝眠牲之禮自後遣官為常會典定制凡大祀

南北郊前五日遣官恭代眠牲前二日遣禮部尚書一人

省牲饗

太廟祭

社稷以前三日中祀以前二日均禮部尚書一人眠牲
十三年七月定祭祀出宮時刻禮部奉

諭旨致祭

天

地不可不虔嗣後凡祭

圜丘

方澤朕於五鼓出宮爾部先期一日奏聞永著為例

十四年正月辛亥祈穀於

上帝奉

太祖高皇帝配享初制每年正月上辛日祭

上帝於

大享殿祈穀至是

親詣行禮一應儀節俱與冬至大祀同

凡祀

圓丘以冬至日子時後定用黎明時祈穀以孟春上辛均為大祀

皇帝親詣行禮先於

太和殿閱視祝版玉帛香祝版用青質朱書

上帝正位用蒼璧一青色制帛十有二沉圓炷香一餅香

十有二降真圓餅香二十有四樂用九奏黃鐘為

宮舞用八佾舞武功文德之舞牲用犢色尚駢或

黝必在滌九旬中祀六旬羣祀三旬爵用匏籩用竹絲純裏

髹以漆豆登簠簋犧尊皆用陶

列聖配位前牲器皆同無玉用奉先制帛各一速圓炷香

各一速方辦香各五十

皇帝禮服用青贊引以禮部堂官太常卿奉福胙以光祿卿接福胙以侍衛

從壇大明帛用赤夜明用白牲用特牛星辰制帛十有一青黃赤黑各一白色七牲用太牢雲雨風雷制帛四青黃白黑各一牲同器各有數祈穀不設從壇神位儀注具詳於後

三月巳酉大祀

天於

南郊奉

太宗文皇帝配享

園丘

祈穀壇禮部奉

諭旨禮莫重於事

天孝莫重於尊

親朕續承鴻緒恪修典禮每歲

郊祀皆奉

太祖高皇帝配享今思

太祖受命

上天肇興帝業

太宗繼志述事丕振皇猷功德並隆咸宜崇祀以後冬至

祈穀祭

天俱奉

太宗同

太祖配享夏至祭

地亦奉

太祖

太宗配享著為定制部臣議奏肇行配享大典攸關現今

夏至在邇冬至尚遙若先

方澤而後

圜丘於序少紊若俟冬至

太宗配

天之後明歲舉行

方澤配享禮為期大遠應不俟冬至夏至即恭製

太祖

太宗神牌擇吉先行

太宗配享

圓丘

祈穀壇之禮隨行

太祖

太宗配享

方澤之禮前期應遣大臣祭告

天

地

宗廟

社稷至期

皇上親詣

圓丘行禮隨詣

祈穀壇行禮儀節俱應如

南北郊舊例大禮告成之後宜布告天下奏上悉如所議

正祭日誌

壇行禮恭奉

太宗文皇帝神位奉安於

上帝神位之右旁青幄內如

太祖配享儀

十七年二月定

祈穀壇祀典用燔柴禮向例祈穀行禮與冬至同惟不設

四從壇神位不燔柴至是

諭禮部帝王奉

天子民禮隆禋祀享

帝大典所關尤重必儀物克備乃足昭對越之誠向來

郊祀惟冬至用燔柴禮

祈穀壇未經舉行雖祀典原有等差而同為祀

上帝典禮不宜有異嗣後

祈穀壇亦行燔柴禮祈穀燔柴自是年始

四月巳酉合祀

天

地

百神於

大享殿先是二月

諭禮部帝王父

天母

地禮祀大典務求至當朕稽考舊章洪武初原係孟春合

祭南郊至嘉靖年間始定分祭冬至祀

園丘夏至祭

方澤春分朝

日秋分夕

月而合祭之禮遂止朕思合祭之禮原以畢萃神祇普
薦馨香不宜竟廢今欲祇申昭事之誠每年孟春合祭

天

地

日

月及諸神於

天享殿但禮關重大爾部詳議以聞部臣議奏合祀事宜

請照前明會典開載舉行尋奉

諭旨合祭典禮已定於孟春舉行今雖時序已過大典肇

修理應本年即舉爾部擇期速議又

諭孟春所穀向例於

大享殿今

大享殿合祭以後所穀禮於

園丘舉行部臣議奏

天享殿內神座應增設

皇地祇神座其

一從壇照舊用頂架在丹墀內東西相向其東西二十壇

原在內壇外設亦宜在丹墀內照東西向少後至

於

神牌臨期迎請未便應令工部恭製安奉前期一日應於

各

壇

廟行祭告禮又議以

啟運山附於

中嶽壇

天柱

隆業二山附於

北嶽壇設祭皆從之尋定從祀為十二壇詳見儀注

皇朝文獻通考卷九十一

皇朝文獻通考卷九十二
郊社考二

郊

順治十八年十一月丙子冬至

聖祖仁皇帝大祀

天於

園丘

親詣行禮是年正月己未

聖祖仁皇帝登極以卽位遣官告祭

吳天上帝尋以諸臣詳議祀典各祀如舊其禁中

上帝壇及

大享殿合祀

太廟階下合祭皆請停罷從之是月首舉冬至之典

親祭如儀

康熙六年十一月丁未冬至大祀

天於

園丘奉

世祖章皇帝配享御史周季琬疏言

世祖章皇帝以創業垂統之君文德武功光昭萬世應同

太祖高皇帝

太宗文皇帝配享

郊壇乃合嚴父配天之義下禮臣議卜日行禮尋允所奏

於丁未冬至大祀之日舉行其配享

方澤卽於丙辰日舉行正祭日

聖祖仁皇帝親詣行禮恭奉

神位奉安於

上帝神位之左

太祖高皇帝之次第二青幄內前期祭告一應禮儀俱與
順治十四年同

九年正月辛丑祈穀於

上帝奉

世祖章皇帝配享

十二年八月定祭祀時辰及別殿齋戒之例禮部
奉

諭旨議奏歷代祭祀壇廟時辰俱未畫一詳定請照

太宗文皇帝時

壇

廟用黎明

夕月壇用酉時又言歷代致齋俱於別殿今凡遇祭祀
皇上應於別殿齋戒從之

二十五年十二月定陪祀官員例向例大祀陪祀
官員俱照加級四品以上人員衆多以致失儀不
敬至是禮臣議請不照加級止論職掌有失儀者
監察御史及禮部官指名題叅其他中祀亦如此
例行疏上從之

二十九年正月辛丑祈穀

上帝

御製祝文

親詣行禮先是二十八年十二月

諭內閣朕意於祭祈穀壇文欲更製焉祈穀壇或有一代祀之亦有不祀之者輔臣時輟其祀矣朕以為民祈穀之故肇舉祀事每歲祭文皆因舊詞比年穀未大登民艱於食夫特為民生致祭祈穀宜悉陳其情愫更製新詞此事內閣九卿等官會同詳議奏聞至是

親詣行禮

御製祝文曰臣纘承鴻業撫育永黎惟貴粟重農先務是

亟荷

天之眷厯紀順成率土元元久沾樂利頃者歲行在巳早

暵為憂畿甸之間阻饑尤甚臣覩災謹閱此窮簷宵旰

省惟中情惶惕殫心賑救罔敢暇寧顧時閱三冬同雲

鮮應側席減膳倍篤焦勞茲者候屆上辛田功肇始伏

念

天心仁愛必軫民力艱難苟非

皇朝文獻通考 卷九十二 四
錫以豐穰何由共登康乂敢因祈歲展竭悃誠冀昭事之
精虔荷

穹蒼之鑒格謹率臣僚以玉帛牲醴粢盛庶品恭祝

上帝仰祈

右茲將享時若雨暘用觀百穀之登溥洽三農之慶尚饗

御製祈穀壇頌

有序

嘗觀古之明王必嚴於敬天隆於尊祖誠於養人惟
其敬天故饗帝尊祖故崇祀養人故重農而上辛祈
穀厥義備焉蓋陰陽順風雨調災沴不生五穀成熟

斯比戶可封然後寬刑簡賦導以禮樂濟之仁壽苟
陰陽失序風雨不時則五穀傷矣五穀傷而民饑至
矣修粢盛而奏馨聞將何藉焉予肅將禋祀每遇薦
享大典備極誠敬期於孚格蒼穹為羣黎禔福幸海
內穡事浹歲順成卽間遇微禋而補助旋施有秋游
至豈非

上天粒我烝民而默佑予一人以無疆之休哉仰戴

帝德莫可名喻聊摠感忱作為頌曰

皇矣

上帝仁覆萬國靡物弗懷鑒於有德古聖聿修昭事建極
 元日殷薦爰祈粒食藐躬受命精意以禋泰圻體方郊
 丘象園屋而大亨典禮均虔外至必主本祖本天巍巍
 三聖陟降攸格盡志對越百神其懌曰潔籩豆曰崇珪璧
 匪祝一身為民請澤惟

天監觀愛我兆人宜夏而夏宜春而春和風應節甘雨司
 辰災螟罔作瑞穗含醇豈止郊畿式暨五服昫昫疆理
 何土不淑蕤蕤黍稷何產不熟造化靳施伊誰能育啟
 蟄而耕納稼而場于耜于趾我倉我箱詎曰農夫實予

之慶上下交裕藉此豐穰民則不知予敢忘賜湛恩汪
 濊頌思奚匱歲歲吉蠲竭誠肆類庶其眷之永錫樂利
 四十四年正月辛丑祈穀於

上帝

親詣行禮

御製唯

天為大頌 并序

康熙乙酉正月六日初辛有事於

南郊是夜瑞雪清塵光風拂面瞻拜之際不覺虔密精誠

筋力疆健所以不揣無文敬賦唯

天為大頌一篇聊記其事云爾

唯

天溥澤唯大涵弘無微不至誠感

神豈曰高崇玉帛鐘鼓禮云表衷為民請命祈穀神功潛

施默化密運罔窮惟予小子潔虔齋戒對越

昊蒼匪敢少懈食乃民命時若是快念茲邦本無遠弗届

履薄臨冰敬勤作誠宵旰縈縈夙夜何解東風拂淑庚

日布雲玉花徧野萬姓欣欣占年自慶望澤先殷愆多

德寡恐塞上聞一日二日萬幾紛紜休戚相關乃寐夜

分猗猗娒娒須臻風化熙熙皞皞所賴春夏惟德動天

編氓趨下燠寒以時蕃庶禾稼三季若辛至冬少暇穀

黍登場子女敬迓

紫壇紺席殷薦成田欽若昭事四十四年求端可畏鑑之

在天慎終如始寸陰斡旋作民父母正直無偏前後念

茲庶幾保全

四十六年十一月丁丑冬至大祀

天於

皇朝文獻通考 卷九十二
圜丘羣臣請遣官恭代弗許

諭內大臣大學士九卿等

郊祀大典諸臣以天時嚴寒請朕勿親詣行禮朕身體疆健步履安和毫不知倦若果稍有患苦卽遣皇太子或大臣代行典禮何不可之有今身旣無恙可欺妄乎况年齒漸增正欲乘未老之時躬親行禮耳

四十八年正月辛巳祈穀於

上帝遣官行禮

御製祝文曰 臣仰承

眷命撫育萬方念切民生亟圖康乂兩年以來江浙地方遭罹水旱民失生業去歲山東河南亦因被旱田禾歉收又去冬至今乾暵無雪 臣雖抱病心切靡寧遡自順治二年以迄今日垂七十載承平日久生齒旣繁野無曠土縱當大獲之歲猶慮民食不充倘或一遇旱潦則 臣雖竭力殫思蠲租散賑而窮鄉僻壤豈能保無轉於溝壑之人在 臣憂國憂民之念卽始終不渝而雨澤應期實惟

上天仁愛愚氓是賴茲者時屆上辛春耕將舉 臣理應躬

詣齋次祇修祀事但今幸荷

天佑疾漸痊愈而肅將大禮尙未克勝身雖未能致齋而為萬民懇切祈禱之誠敢用攄布仰籲

洪庥特命臣僚潔蠲敬戒虔備玉帛牲醴粢盛庶品恭祀上帝伏冀昭鑒俾雨暘時若百穀用成三農弘濟尙饗

五十年十一月戊戌冬至大祀

天於

圜丘

親詣行禮初臣僚以

聖躬違和請遣官恭代報可尋奉

諭旨朕躬安好如常必親祭方展誠心朕今年已六十行

禮時兩旁人少為扶掖亦可正祭日遂

親詣行禮

五十四年正月祈穀於

上帝用立春後辛酉日祈穀例用上辛是年正月十日上

辛尙未立春

諭諸臣詳議之乃以正月三十日下辛行禮

十一月己未冬至大祀

天於

圜丘用

御定雅樂

詳見樂考

五十七年十一月乙亥朔冬至大祀

天於

圜丘遣官恭代仍照常齋戒定制大祀之前致齋三日是

月

諭大學士等曰十一月冬至祀

天明日即應齋戒朕因足乏力來至湯泉身雖在此瞻望

郊壇不能釋懷爾等傳諭太常寺令將齋戒銅人照常送

至乾清門朕在此照常齋戒其祭祀人員齋戒務令恭

敬

五十八年十一月庚辰冬至大祀

天於

圜丘

命親王恭代仍

親往瞻拜行禮先是冬至將屆

諭大學士等敬

天尊

祖所關重大年來因多病足痛不能親往遣大臣恭代今
冬至齋戒之時朕足雖不得力潔誠之念有餘擬於祭
祀之前升

壇瞻仰省視俎豆量力跪拜退處幄次俟恭代親王行禮
畢然後回宮此係創行之禮如漢大臣以從無此典引
據書史爲言朕年已老在位六十年矣豈易得此例乎

諸臣覆奏以

聖體初愈天氣嚴寒請停

親祭又奉

諭旨朕必親往前者偶未親祭王以下公以上俱不齋戒
此次著照常齋戒隨朕前往不必隨朕行禮朕行禮不
必贊禮作樂俟拜畢至更衣幄次派出親王偕衆行禮
禮畢朕乃回宮將朕親詣之處著祝文內正祭前一日
御太和殿視祝版香帛如儀正祭日升

壇先拜拜畢

命皇子和碩誠親王允祉行禮日

六十一年十一月丙申冬至大祀

天於

圜丘是月十五日冬至前期五日

聖祖仁皇帝命

世宗憲皇帝恭代行禮十三日

聖祖疾大漸

命

世宗嗣皇帝位改遣大臣恭代行禮十四日祝版恭填

世宗御名太常寺堂官由內閣恭捧安設十五日承祭官

行禮時各官不陪祭

雍正元年正月辛卯祈穀於

上帝

世宗憲皇帝親詣行禮前歲之冬

世宗憲皇帝登極以卽位遣官告祭

天

地

宗廟

社稷逾歲改元以

壇

廟祭祀典禮重大

命派王二人散秩大臣御史各二員部員侍衛各四員稽

查失儀及扈從人等任意行走著為例是月辛卯

親行祈穀之禮

十一月辛丑冬至大祀

天於

圓丘奉

聖祖仁皇帝配享先是九月辛巳

諭禮部自古祖功宗德制在不祧饗帝饗親理應並舉報

本之情罔極配

天之典宜隆我

皇考聖祖仁皇帝允宜崇祀

郊壇克配

上帝以後冬至祈穀祭

天祇奉

聖祖仁皇帝同

太祖高皇帝

太宗文皇帝

世祖章皇帝配享夏至祭

地亦如

南郊祈穀禮祇奉配享其詳議以聞至是冬至大祀

世宗憲皇帝親詣行禮恭奉

神位奉安於

上帝神位之右

太宗文皇帝之次第二青幄內前期祭告一應禮儀俱與

天之神康熙六年同

本之二年正月辛巳祈穀於

上帝奉

聖祖仁皇帝配享

七年正月

詔嚴

壇廟演禮之禁是歲既行祈穀禮越日奉

諭旨

壇廟之中最宜嚴肅聞祭祀之先卽在其中演禮非潔齋

虔享之義其議之部臣議奏會典開載凡祭祀執事等

官當在凝禧殿演禮嗣後宜仍遵行如有特加祭

典先期於神樂觀演習從之

八年正月祈穀於

上帝以初二日上辛行禮停止朝賀筵宴上辛在初二日

例用次辛前十二月奉

諭旨定例正月上辛日祈穀於

上帝若上辛在初五日以前則於次辛行禮雍正三年五

年俱以次辛祈穀仍舊章也但思元旦朝賀者朕躬之

禮儀上辛祈穀者祀

天之大典也明年正月初二日上辛禮部請於十二月中

辛行祈穀禮朕思以正月而論則十二日為中辛若以

立春後而論則為下辛矣因朝賀筵宴而展祈穀之期

朕心深恐有未安著於初二日上辛行禮先期照例敬謹

齋戒停止朝賀筵宴嗣後若逢元旦上辛則於次辛祈

穀如在初五日以前或值初七日

世祖章皇帝忌辰著兩奏請旨正月初二日辛未

親詣行禮

十三年正月祈穀於十三日辛未

上帝以次辛行禮是歲正月初十日上辛尚未立春前十

二月奉 諭旨前太常寺奏請於雍正十三年正月初十日恭祭

祈穀壇今順天府尹奏於雍正十三年正月十二日進春

朕思祈穀乃新春典禮似不應在立春以前其定議以

問部臣請以次辛二十日行禮從之

臣等謹按禮以義起義之所在即大中至正之禮

也然惟能執中行權乃克各當其義我

世宗憲皇帝於雍正八年正月初二日壬辛祈穀部

臣請改期不允是年以尚未立春

改期不允是年以尚未立春

特諭改用次辛蓋一則敬

天之誠一則重時之義云

太宗文皇帝在位十七年

親郊二

崇德元年四月乙酉
元年十一月乙丑

世祖章皇帝在位十八年

親郊十五

順治元年十月乙卯
元年十一月丁未

三年十一月丁巳
四年十一月癸亥

五年十一月戊辰
七年十一月戊寅
九年十一月己丑
十年十一月甲午
十一年十一月己亥
十三年十一月庚戌
十四年正月辛亥
十四年三月己酉
十五年正月辛亥
十七年正月辛酉
十七年四月己酉

聖祖仁皇帝在位六十一年

親郊八十三

順治十八年十一月丙子
康熙元年十一月辛巳

二年十一月乙酉
三年十一月壬辰
四年十一月丁酉
五年十一月壬寅
六年十一月丁未
七年十一月癸丑
八年十一月戊午
九年正月辛丑
九年正月癸亥
十年正月辛酉
十年十一月戊辰
十一年十一月甲戌
十二年正月辛巳
十二年十一月己卯
十三年正月辛未
十三年十一月甲申
十四年正月辛未

十四年	十一月	己丑
十五年	正月	辛卯
十六年	十一月	乙未
十七年	正月	辛卯
十八年	十一月	乙巳
十九年	正月	辛巳
二十年	十一月	丙辰
二十一年	正月	辛巳
二十二年	十一月	丙寅
二十三年	正月	辛卯
二十四年	十一月	辛巳

二十四年	十一月	辛巳
二十五年	正月	辛巳
二十六年	十一月	丁亥
二十七年	正月	辛卯
二十八年	十一月	壬辰
二十九年	正月	辛卯
三十年	十一月	癸卯
三十一年	正月	辛丑
三十二年	十一月	戊申
三十三年	正月	辛卯
三十四年	十一月	甲子
三十五年	正月	辛未
三十六年	十一月	辛酉
三十七年	正月	乙酉
三十八年	十一月	辛巳
三十九年	十一月	庚寅

三十八年正月辛巳
三十八年十一月乙未
三十九年十一月辛丑
四十年正月辛丑
四十一年正月辛卯
四十二年十一月壬戌
四十三年正月辛丑
四十四年正月辛丑
四十五年正月辛未
四十六年十一月丁丑
四十七年正月辛酉
四十八年正月辛巳
四十九年正月辛未
四十九年十一月癸巳
五十年正月辛丑
五十年十一月戊戌
五十一年正月辛亥
五十一年十一月癸卯
五十二年正月辛卯

世宗憲皇帝在位十三年

親郊二十三

五十二年十一月巳酉
五十三年正月辛亥
五十三年十一月甲寅
五十四年正月辛酉
五十四年十一月巳未
五十五年十一月甲子
五十六年正月辛酉
五十六年十一月庚辰
五十八年正月辛未

雍正元年正月辛卯

元年十一月辛丑

二年正月辛巳

二年十一月丙午

三年正月辛亥
三年十一月壬子
四年正月辛丑
四年十一月丁巳
五年正月辛丑
五年十一月壬戌
六年正月辛酉
六年十一月丁卯
七年正月辛亥
七年十一月癸酉
八年正月辛未
九年正月辛巳
九年十一月癸未
十年十一月戊子
十一年正月辛卯
十一年十一月甲午
十二年正月辛巳
十二年十一月己亥

十三年正月辛卯

皇朝文獻通考卷九十二

皇朝文獻通考卷九十三

郊社考三

郊儀注附

乾隆元年正月辛丑祈穀於

上帝

皇上親詣行禮先是雍正十三年九月

皇上紹登大寶仁孝方篤逾三月後羣臣以祀典上請

奉

諭旨

郊

廟大祀朕自不敢因一已孺慕之私情有缺

天

祖禘嘗之鉅典所議朕詣行禮甚是但先期齋戒所以潔齊心志對越

神明朕意齋戒之日即當素服冠綴纓緯其視祝版亦當

照例用禮服以昭敬謹

朝日

夕月等祀雖係遣官行禮然誠敬之心默為昭格陟降

左右不啻親承朕意於遣祭之日亦應素服冠綴纓

緯方與禮意相合爾等再議具奏禮部等遵

旨議上允之於乾隆元年孟春祈穀行禮如儀

二年四月甲戌大祀

天於

圓丘奉

世宗憲皇帝配享行恭奉

神牌參拜

上帝之禮先是元年十二月

諭禮部仰惟

皇考世宗憲皇帝德並高深恩覃海宇駿烈鴻功垂裕百

世允宜配享

郊壇永崇禋祀朕思來年三月升祔

太廟之後配享之禮理宜敬謹舉行第其時夏至伊邇冬

至尚遙敬稽我朝舊制順治十四年三月

世祖章皇帝恭奉

太宗配享

圓丘翼日配享

方澤康熙六年十一月丁未時屆

南郊

聖祖仁皇帝恭奉

世祖配享越十日配享

方澤兩朝典制均係特行禮隆儀備燦垂史冊且稽之經

傳成周郊祀后稷以配天宗祀文王於明堂以配上

帝卽月令所謂季秋大享帝也召誥三月丁巳用牲

於郊釋者謂非常祀而祭天以告定位也又宋仁宗

皇祐二年以大慶殿爲明堂合祭天地三聖並侑

如園丘南郊之儀則是古來因事郊祀之禮不必定在二至之時明矣我朝舊制盡孝盡誠與古符合來

年四月甲辰詔禮部議郊祀禮禮部具奏

世宗憲皇帝配天大禮宜遵照舉行於是禮部具儀奏上

諭旨禮部具奏

皇考配享

天壇儀注朕敬謹詳閱內稱配享時朕恭奉

神牌陞壇奉安於東三青幄次並未議及參拜

上帝之儀朕思升祔

太廟時先行參拜

列祖

列后禮然後陞座今配享

園丘亦應先行參拜

上帝禮然後升座於理方協議政王大臣等議奏伏查

本朝會典及明會典未經詳載神牌參拜

上帝之儀今

皇上特諭

臣等詳議仰見

聖訓

皇朝文獻通考

卷九十三

四

皇上仁孝敬謹之心至周至備應遵

旨增入參拜

上帝之儀實為盡善

儀注見後

其夏至配享

方澤參拜

皇地祇俱遵此儀至上辛配享

祈穀壇不必再行參拜禮疏入從之正祭日

皇上恭奉

世宗憲皇帝神位參拜

皇天上帝禮畢奉安於

上帝神位之左

世祖章皇帝之次第三青幄內前期祭告一應禮儀均與

雍正元年同

三年正月辛酉祈穀於

上帝奉

世宗憲皇帝配享

七年十一月二十六日辛巳冬至大祀

天於

圜丘以齋戒於

皇太后萬壽前三日預行慶賀禮

十二年十一月定

郊壇大祀誓戒百官之禮是歲冬至大祀後六日奉

諭旨古天地大祀前期有百官受誓戒之禮周官冢宰
祀五帝則掌百官之誓戒唐宋則掌以太尉或於尙
書省或於朝堂明初誓於中書省後於闕門宣制嘉
靖中則親御奉天殿百官朝服聽誓戒所以聳衆聽
而致肅共儆怠玩典至重也國初祀典太常寺先期
行文出示蓋本古人誓戒遺意而集衆宣示儀章未

舉朕思八政祀居其首而大祀莫重於郊嗣後有事

於

園丘

方澤

祈穀

雩祭應於午門前宣誓戒陪祀之王公文武大臣官員朝

服齊集跪聽行禮以明齊明嚴敬之義大學士會同
該部稽古具儀以聞尋具儀奏上舉行如儀至十九
年大學士等奏令各衙門恭錄

勅諭製牌收貯每遇

兩郊大祀太常寺豫奏通行令於致齋日恭設堂中隨時

仰瞻其宣讀之禮停止允之

十二月定

郊壇大祀省視

神位上香及省視牲器之禮內閣奉

諭旨朕惟致敬

郊壇宜從典制乃者朕於大祀前期一日恭詣

壇位躬親省視展潔告虔良云周備惟是

神主向藏

皇穹宇

皇祇室

皇乾殿考之唐開元禮先期升主陳設省視復收朕思因

省視而陳設

神主有違神道靜穆之義未協寅恭嚴事之誠應於躬省

皇穹宇

皇祇室

皇乾殿上香行禮分獻官詣配殿行禮肅將悃忱以伸對

越但事屬剏舉着大學士會同該部詳悉定議并恭
詣

壇位後親視籩豆之處具儀以聞尋遵

旨具儀奏上舉行如儀

詳見儀注

十三年十一月壬子冬至大祀

天於

園丘用新成祭器更定大駕鹵簿乘玉輅

親詣行禮是歲正月奉

諭旨國家敬

天尊

祖禮備樂和品物具陳告豐告潔所以將誠敬昭典則也

考之前古籩豆簠簋諸祭器或用金玉以示貴重或

用陶匏以崇質素各有精意存乎其間歷代相承去

古寔遠至明洪武時更定舊章祭品祭器悉遵古而

祭器則惟存其名以薙代之我朝

壇

廟陳設祭品亦用薙蓋沿前明之舊

皇考世宗憲皇帝時考按經典範銅為器頒之

闕里俾為世守曾宣示廷臣穆然見古先遺則朕思

壇

廟祭器既遵用古名則祭器自應悉倣古制一體更正以備隆儀著大學士會同該部稽核經圖審其名物度數制作款式折衷至當詳議繪圖以聞朕將親為審定勅所司敬謹製造用光禋祀稱朕意焉十月又

諭朕敬

天尊

祖寅承祀

壇

廟祭器聿既稽考古典親為釐定命所司準式敬造質文有章精潔告備自今歲

圜丘大祀為始灌獻陳列悉用新成祭器展虔敬焉古者

崇郊享則備法駕乘玉輅以稱鉅典國朝定制有大駕鹵簿行駕儀仗行幸儀仗其名參用宋明以來之舊而旗章麾蓋視前倍簡今稍為增益更定大駕鹵簿為法駕鹵簿行駕儀仗為鑾駕鹵簿行幸儀仗為騎駕鹵簿合三者則為大駕鹵簿

南郊用之

方澤以下皆用法駕鹵簿五輅酌仿周官及唐宋遺制金玉象革各如其儀乘用亦自今歲

南郊始光昭羽衛用肅明禋諭所司知之十五年四月又

諭禮器昭垂世守勿替祠官掌故圖譜宜詳其令內府

依鹵簿大駕之例按器繪圖具著體式俾懿文洽禮

展帙犁然永傳冊府稱朕修釐法物慈勅明禋至意

十四年五月

詔齋宮致齋勿鳴鼓角內閣奉

諭旨朕於

兩郊大祀先御齋宮以齊一思慮聞之記曰齋者耳不聽

樂孔子曰三日齋一日用之猶恐不敬二日伐鼓何

居言不敢散其志也今齋宮宵漏下鳴畫角嚴鼓以

為節雖異於宮懸合奏而吹角鼓鑿軍中之容豈所

以專致其精明者歟此蓋相沿前明敝典未更後此

嚴更鼓角不當用之齋次大學士其會同禮部定議

以聞載入會典

是月

詔修繕

兩郊壇宇展拓舊制是歲五月

皇上以夏至大祀用之肅大大學士其會同斷請宗

方澤請事遂其請開清地此蓋前朝與未更設此

齋宮齋宿大學士等奉 而內其是整軍中之容豈

論旨稽古明禋肇祀 也今肅宮有誠可即舊儀

郊壇各以其色 二日祭一日以之祭此不若一日分

地壇方色尚黃今宮以齊一思肅宮之舊曰肅宮其不

皇祇室乃用綠瓦蓋仍前明舊制未及致詳朕思

南郊大享殿在勝國時合祀

天

地山川故其上覆以青陽玉葉次黃次綠具有深意且

南郊用青而

地壇用綠於義無取其議更之至

兩郊壇宇雖歲加塗墍而經闕久遠應勅所司省視所當

修整者敬謹從事詳考典章具議以聞嗣大學士禮

部奏言 臣等謹考禮經所載

兩郊義類甚著故祭分二至以順陰陽之時壇釐南北以

從陰陽之位制別方圓以則陰陽之象惟辨色亦然春官以玉作六品以禮天地四方蒼璧禮天黃琮禮地牲幣各從其器之色所謂依類求神者也

制禮從類辨色從方原屬不易之道又况棟宇櫓桷乃以藏

神祇而昭妥侑其義尤謹明代南北兩郊分祀而

皇祇室編次綠瓦臣等詳檢一切禮書並無考據查綠乃

青黃間色誠如

聖諭於義無取坤卦天元地黃考工記天謂之元地謂

之黃二者係乾坤正色今

北郊壇駟墼瓦及牲帛幃幄色俱用黃乾隆十三年遵

旨議定籩豆成式

地壇祭器亦用黃質製造契合古制寧

神與歆

神不當有異應請易蓋瑠璃黃瓦庶與坤卦黃中之義相

符若夫

兩郊壇宇歲修向有著令而經閱久遠金碧采章或日久

不鮮階級駟甃間有損缺堊赤間有漫漶均宜遵

旨修整及時鳩工疏上

上命和親王海望王安國三和總理其事十五年正月諭和親王等

圓丘壇上張幄次及陳祭器處過窄既議鼎新可將

圓丘三層臺面仍九五之數量加展寬則執事者得以從

容進退益昭誠敬至櫻薦向係滿鋪則臺面可以不

用琉璃著改用金甃益經久矣王等奏言

兩郊制度自前明嘉靖間始定

圓丘壇制土成徑廣用明官司尺五丈零九寸取九五之

數二成九丈取九數三成十二丈取天全數據明

臣張孚敬諭對錄所載大抵以意為量度原非垂

自古昔一定不可增減今往壇內較度若依工部

營造尺為度未能恰當九五之數謹考

聖祖仁皇帝御製律呂正義一書內載古尺制度其長較

工部營造尺直八寸一分今依古尺定壇徑廣上

備刻成取九數用古尺九丈二成取五數用古尺十五

丈三成仍取九數用古尺十九丈既與天數九五

之義脗合而幄次之廣深亦可量加展寬俾應陳

器物以及執事人員得以從容進退實屬適中又壇面甃塊奉

諭改用金甃攷原制甃數上成九重二成七重三成五重上成圍甃取陽數之極自一九起遞加環砌以至九九二成三成圍甃不拘今壇面加廣上成仍照九九塹砌計金甃每塊應長三尺六寸八分下寬三尺五寸七分上寬一尺伏查燒造金甃向例不過二尺二寸今若照依展寬尺寸誠恐燒造維艱若增加塊數又與原制取義不符查直屬房山

縣產艾葉青石質性堅澤色應法象可否飭令官員選擇精純者倣依甃式細加琢磨塹砌如原法既得寬長隨宜復足以永垂久遠又壇制每成四陛之外各用青色琉璃欄板圍繞上成每面用九二成每面十七取除十用七之義三成每面積五用二十五雖各成均屬陽數而合計三成數目並無取義謹按易大傳曰乾之策二百一十有六今請用乾策依九數分配三成最爲宜稱但上成九數琉璃欄板每塊應長四尺五寸有奇比之現今

欄板每塊長一尺三寸有餘亦難燒造攷諭對錄
明代建壇時曾有欲用南方青石之議後張孚敬
以南來石質經霜易致剝落遂不果用竊思現在
北地所出艾葉青石堅潤非南方之比堪以如式
製辦若易用前項艾葉青石其上成每面一九計
三十六二成每面二九計七十二三成每面三九
計一百零八合二百一十有六用符乾策之數

上命大學士等議奏大學士等奏言

郊壇規制其意貴於法古而數貴於合宜謹按易大傳曰

天數二十有五蓋一三五七九皆奇屬陽而五爲
中數九爲老陽是故洛書用五統奇大易用九策
筮煌煌

聖諭仍九五之數量加展寬至爲精當查明時上成用
五丈九寸當九五之數稍涉牽合而三成用十二
丈則於奇義無取今據奏以古尺計度臺面上成
徑九丈爲取九數二成徑十五丈爲取五數極爲
妥協惟三成徑十九丈雖亦爲奇數然非由九而
生謂爲仍取九數未盡脗合擬請三成面徑用古

尺二十一丈取三七之數上成爲一九二成爲三五三成爲三七則天數一三五七九於此而全且合九丈十五丈二十一丈共成四十五丈於九五之義尤爲恰合再考古尺制起黃鐘數協九九我聖祖仁皇帝審元音而定以作樂我

皇上重

郊壇而推以制禮義既法古而數更合宜應如所奏照依律呂正義所載古尺制度上成面徑九丈二成面徑十五丈惟三成面徑改用二十一丈確核今尺

按數興修又查壇面甃塊原制上成圓面九重自

一九遞加環砌以至九九其義甚精允宜仍舊至

二成七重三成五重圍甃不拘未免參差臣等酌

議壇面既加展寬二成三成擬合亦用九重遞加

環砌二成自九十至一百六十二三成自一百七

十一至二百四十三體制方爲整齊再查金甃向

例不過見方二尺餘今上成鋪面每塊長潤至三

尺五六寸誠難燒造應如所奏用艾葉青石敬謹

成造俾保永遠堅固又前奉

聖諭臺面樓薦滿鋪是以改用金甃若欄板則係露明
不俱易用青石應請仍用琉璃成造至原奏稱琉
璃欄板每塊長四尺五寸有餘難以燒造臣等伏
思欄板扇數加多則尺寸自然減少擬請三成欄
板共用三百六十扇應周天度數上成每面十八
扇四面計七十二扇每扇之長得今尺二尺三寸
餘二成每面二十七扇四面計一百八扇每扇之
長得今尺二尺六寸餘三成每面四十五扇四面
計一百八十扇每扇之長得今尺二尺二寸餘則

扇數加多尺寸減少自然易於成造而每成每面
亦皆與九數相合總計三百六十較之二百一十
有六取義尤爲明顯再查原奏三成徑數俱係古
尺而所定中心圓面週圍壓面及九重之長則皆
係今尺至三成臺高現今上成高五尺七寸二成
高五尺二寸三成高五尺並欄柱長潤高厚踏堦
深寬亦係今尺臣等逐項悉按古尺合算略爲增
減皆與九數相合如此則

郊壇重典制崇法象數協乾元充足昭

盛代之宏規垂萬年之鞏固矣謹繪圖列數恭呈

御覽奏上允之嗣因琉璃欄板難以成造經總理工程

大臣奏明易用青白石須彌座用早白玉石為欄

板柱子添安出水龍頭至十八年工竣

十六年九月改

祈穀壇大享殿為

祈年殿門為

祈年門總理工程和親王等奏臣等奉修

兩郊壇宇伏見

祈穀壇匾額舊書大享二字殿與門相同竊疑名義未協

詳考明史紀載緣前明初建大祀殿合祀天地至

嘉靖中定南北郊二至分祀罷大祀殿不用其後

致仕揚州同知豐坊疏請復古明堂大享之制蓋

附會孝經嚴父配天語以迎合大禮之議時明世

宗已尊生父興獻王為皇帝因並議稱宗以配上

帝明堂秋享即於大祀殿行之改大祀為大享此

宗代殿與門得名所自始也

非國朝既定

南北郊祀奉

祖宗升配爰舉祈穀之禮行禮之地即明之大享殿是以
 舊有題額襲用未改謹按大享之名見於禮記月
 令篇蓋指季秋報祀而言與孟春祈穀異義仰惟
 皇上釐定典禮式煥
 郊壇理合仰請
 聖訓別薦嘉名庶於祭義協應
 上命大學士等議奏大學士等奏言
 祈穀壇額實起前明嘉靖中原取季秋饗帝之說以崇典

獻王已非成周明堂本制而殿宇告成以後每歲
 大享成在元極寶殿隆慶初並罷元極享禮是即
 在前明時固已徒存虛名矣考祭法列序禮神之
 處於祭天曰泰壇於祭地曰泰折於祭日曰王宮
 於祭月曰夜明雖郊壇不屋無事標題然循名足
 以見義未有不相應者宋儒朱子有言為壇而祭
 謂之天祭於屋下謂之帝天與帝其實一也隨地
 而異其名耳

國朝孟春祈穀

上帝因殿行事準諸朱子所論屋下祭帝義例正自相通

敬稽禮部每歲恭進祀冊於冬書某日冬至大祀

天於

園丘於春書某日祈穀典式備極昭著獨殿與門襲用大

享名號實覺未協仰請

皇上欽定嘉名俾昭

盛典尋奉

諭旨改曰祈年

園丘在正陽門外南郊形圓象天南向三成上成徑九丈

高五尺七寸

以古尺合今尺合九數計

二成徑十有五丈高五

尺二寸三成徑二十一丈高五尺每成四出陛皆

白石九級內壇形圓周百有六丈四尺門四壇外

東南丙地燔柴鑪一瘞坎一東南燎鑪五西南鐙

杆三外壇形方周二百十丈一尺門四燎鑪四分

設於壇東西門之左右壇北門後為

皇穹宇南向環轉八柱圓簷上安金頂基高九尺徑五丈

九尺九寸石欄四十有九東西南三出陛各十有

四級左右廡各五間殿廡覆瓦均青色琉璃圍垣

形圓周五十六丈六尺八寸南向三門外壝東門外東北隅為

神庫

神厨并亭祭器庫樂器庫櫪薦庫又東為宰牲亭并

亭壝外內垣門四東曰泰元南曰昭亨西曰廣利

北曰成貞昭亨門外東西石坊各一成貞門北為

祈年殿壇圓南向三成上成徑二十一丈五尺二成徑二

十三丈二尺六寸三成徑二十五丈面甃金甃圍

以石欄四百二十南北三出陛東西一出陛上成

二成各九級三成十級壇上建

祈年殿制圓內外皆十二柱中龍井柱四檐三重上安金

頂左右廡各九間均覆青色琉璃

舊制圓頂三層黃瓦下覆綠瓦上覆青瓦中覆

兩廡用綠瓦前為

祈年門門外東南燔柴鑪一瘞坎一燎鑪五內壝周百

九十丈七尺二寸門四北門後為

皇乾殿殿五間上覆青色琉璃正面三出陛東西一出陛

各九級石欄五十有九內壝東門外長廊七十二

間通

神厨并亭宰牲亭為祭時進俎豆避雨雪之用壇外圍垣四門南接成貞門門外西北為

齋宮廣利門外西北為神樂署中為凝禧殿顯佑殿

奉祀協律廨舍西為犧牲所中祀犧牲之神後為

官署東西列屋以飼牲牢外垣內西角鐘樓一圍

垣二重內垣周千二百八十六丈一尺五寸外垣

周千九百八十七丈五尺西嚮門二南北並列南

入

園丘北入

祈年殿皆三門角門一

二十四年十一月庚戌冬至大祀

天於

園丘以蕩平回部並告成功定制武功告成祇祀

郊壇是歲西師告捷回部悉平時在冬至之前奉

諭旨殊勳克奏茂典應修

郊

廟告功宜申昭報時當長至朕方躬祀

園丘其勅所司敬舉受釐宣捷之忱載諸祝冊用申懇款

告祭禮同前舉受齋宣對之時禮部所請與申懇

太廟朕親行展事

方澤

社稷照例遣親王恭代

三十年正月辛酉祈穀於

上帝用立春後初辛日先是二十九年十二月

諭禮部前經該部請於正月初五日舉行祭辛典禮但

初五日在立春以前為時尚早應俟立春後初辛日

行於義方協所有

祈穀壇典禮於十五日舉行

三十七年冬至前期奉

諭朕御極以來夙夜孜孜惟以敬

天報本為念每屆

郊壇大祀必躬親昭事用展誠悃三十七年於茲未敢稍

懈向來詣

壇行禮日由降輦進至拜位以迄薦獻禮成中間履蹈升

降儀節最為繁重朕惟虔恪以臨無有愆忽今自念

春秋已逾六旬其於動容周旋差不能及前此之從

容中節幸朕躬康疆如昔仍得祇循儀度經久不渝
第思敬意所持貴乎內外交養若精力過勞恐心志
轉未能純一與其拘於行走未節弗克致其寅恭且
或因此而憚於親詣何如酌損步陟繁文得專於升
馨告備時肅將劼志更足以嚴對越而抒誠素乎自
古履帝位而臻壽考者載籍曾不多觀我朝景運遐
昌化成熙洽上荷

昊蒼鴻眷

列祖貽庥朕自周中已逾勵勤未怠真可謂國家祥瑞之

大者茲特降此旨非敢自惜其勞惟期要之於久從
此更增年歲當永矢此昭格之誠我世世子孫承庥
衍慶即可奉此為法守且知朕六十歲以前不憚經
曲之繁六十歲以後冀申專一之敬初無二致也所
有升級次數及降輦步行之遠近無關大體諸儀節
如何酌定合宜之處著大學士會同該部詳悉定議
以聞尋遵

旨具儀奏上舉行如儀

詳見儀注謹按同時並議准

社稷壇

先農壇行禮儀

節謹依類分載各門儀注卷內

又

諭

壇

廟祭祀王公大臣宿齋陪祀各期恪致寅恭若其中有年齒漸增精力未免少減倘以格於查核之例因而勉強支持跛倚從事轉非嚴愍肅將之本意嗣後王公大臣有年逾六旬者凡遇祀典聽其自行酌量精神或致齋而不陪祀或並不能致齋一聽其便並無庸列入查奏彙核之內以昭體恤以重明禋

三十九年正月辛酉祈穀於

上帝

親詣行禮

諭朕臨御以來恒以敬

天報本為要不致稍有意惰凡

壇

廟大祀必親詣行禮自降輦以至禮成必敬必誠至三十

七年朕年逾六旬始勅大學士及該部將降輦步行之遠近及升降之無關鉅典者酌減一二蓋欲稍減

皇朝文獻通考 卷九十三
步履之小節蓄養精力於大典益致恪恭亦因朕年
逾六旬始如此酌量節減所以益矢誠敬也萬世子
孫其敬識朕意於諸大祀設非年至六旬一切典章
斷不可稍減倘蒙

上天垂佑年逾六旬方可遵朕現在所行舉行將此永著
爲例

四十年十一月甲戌大祀

天於

圓丘

命皇子陪祀觀禮先是四月奉

諭朕每遇

郊壇大祀必親詣行禮歷四十年如一日弗敢稍有懈弛

一切儀文典禮悉本誠敬之心仰期

昭格凡諸升降拜獻弗愆於儀實有可以自信者惟是行
禮時諸皇子向不在陪祀之列無由知朕恪恭將事
之忱著於本年冬至

南郊令諸皇子在旁侍立敬謹觀瞻祀事既蒞並令就
壇位前恭閱朕所進之爵皆安奉端正無稍偏欹俾共體

皇朝文獻通考 卷九十三
朕所以展

精禋而答

鴻貺者實在乎是其敬承無忽

四十四年十一月乙未

南郊定

配位前帛爵

命皇子代陳禮前期奉

諭朕自踐阼以來恭遇

郊壇大祀一切儀文典禮悉本誠恪之心敬謹將事歷四

十年如一日越歲庚子朕春秋已屆七旬雖自信精

力如舊但迎

神進爵儀典繁重若各

壇位前俱仍親詣轉恐過疲生憊於精意或有未孚

正位上香獻爵朕必躬晉申虔至

列祖

列宗配位前上香朕仍親致其獻帛爵諸禮著自今年

南郊爲始令諸皇子代陳

四十六年正月禮部具題壬寅年

祈穀日期改用正月十四日次辛奉

諭天子父

天母

地祇承之義不可稍弛從前雍正七年恭奉

皇考世宗憲皇帝諭旨以定例正月上辛若在初五日以

前則改於次辛但元旦朝賀乃朕躬之禮儀若因此

而展祈穀之期於心實有未安著於上辛行禮煌煌

聖訓實屬萬世不刊之論朕御極以來遇正月初三日以

前上辛因必須隔年齋戒是以改用次辛其有初四

日上辛亦改用次辛者則因

聖母皇太后祝釐初祉儀不容缺至明歲正月初四上辛

並非向年可比該部何得亦改次辛况冬至南郊禮

成有於次日受賀者所謂禮緣義起如謂臣下意在

尊君不敢輕易朝正令典亦當備查往例具奏請旨

所有明歲

祈穀仍用上辛並著爲令二月又奉

諭旨禮莫大乎敬

天義莫隆於

郊祀前以禮部具題壬寅年

祈穀日期改用次辛所擬不當已明降諭旨矣孟春

祈穀所以迓陽氣而兆農祥考諸經傳蓋立春後之上辛

而非元旦後之上辛雍正年間恭奉

皇考聖諭飭禮臣定議允宜永遠遵守敬思其義若上辛

在立春前舉行與乘陽之義未為精當又上辛設在

正月初三日以前則當於舊臘隔年齋戒而

太廟裕祭實為合饗大禮卽宮中拜

神亦屬國朝定例若於齋戒期內照舊舉行於專一致敬

之道似猶未協其應如何斟酌古今百世遵守可行

之處著大學士九卿詳議以聞尋議上辛以立春後

所得之辛始為上辛若立春之辛尙在上年十二

月內則仍用正月之上辛以符歲首之義正月上

辛如值初三日以前於未進祀冊以前奏請改用

次辛至正月初四日上辛應於初一日齋戒起是

日

皇上未入齋宮之前宮中拜

神

奉先殿行禮均可各昭誠敬無庸改期從之

皇十四十六年定前宮中

大駕詣

壇降輦儀

諭朕自臨御以來每遇

郊祀大典無不蠲潔躬承四十六年如一日仰荷

昊蒼眷佑壽越古稀仍當躬親行禮而一切登降禮儀步

履究覺稍遜於前若遣官恭代非朕勤於躬親昭事
之初心而勉強將事復於精一凝承之意轉有未盡

因諭該部前往敬視

祈穀壇宿齋宮詣

壇瞻拜日降輦處茲據請擬由

皇乾殿西墻門外降輦較爲近便應如所奏此朕仰體

上天眷愛朕躬長申寅恪之意將來朕子孫續緒凝庶有

壽登古稀者亦可欽承朕志於

郊壇大祀歲歲躬行率由此典以上邀

皇天眷顧之隆庶幾無疆惟休永膺

昊貺垂裕萬年

四十七年十一月庚戌

上親祀

園丘次日奉

旨凡祭

壇行禮時派出王大臣若係四人著在門站立二人

壇內站立二人一體管察

四十九年正月辛丑祈穀於

上帝遣皇子恭代行禮

諭本年上辛

祈穀因氣滯舊恙偶發誠恐登降儀節或愆轉不足以昭

誠敬著派皇六子永瑤恭代行禮朕仍於齋宮敬謹

齋宿屆期親詣

大高殿行禮

乾隆元年至乾隆五十年

皇上親詣次數

乾隆元年正月辛亥

元年十一月己卯

二年正月辛丑

二年十一月乙卯

三年正月辛酉

三年十一月庚申

四年正月辛酉
四年十一月乙丑
五年十一月庚午
六年正月辛未
六年十一月丙子
七年正月辛未
七年十一月辛巳
八年正月辛酉
八年十一月丙戌
九年正月辛卯
九年十一月辛卯
十年正月辛巳
十年十一月丙申
十一年正月辛巳
十一年十一月壬寅
十二年正月辛丑
十二年十一月丁未
十三年正月辛卯

十三年十一月壬子
十四年正月辛酉
十四年十一月丁巳
十五年正月辛酉
十五年十一月癸亥
十六年正月辛亥
十六年十一月戊辰
十七年正月辛未
十七年十一月癸酉
十八年正月辛酉
十八年十一月戊寅
十九年正月辛酉
十九年十一月壬午
二十年正月辛巳
二十年十一月己丑
二十一年正月辛巳
二十一年十一月甲午
二十二年正月辛丑

皇朝文獻通考

二十二年	十一月	巳亥
二十三年	正月	辛丑
二十四年	正月	乙巳
二十五年	正月	庚辰
二十六年	正月	辛亥
二十七年	正月	庚申
二十八年	正月	辛丑
二十九年	正月	丙寅
三十年	正月	辛未
三十一年	正月	辛未
三十二年	正月	辛巳
三十三年	正月	辛巳
三十四年	正月	辛巳
三十五年	正月	辛巳
三十六年	正月	辛巳
三十七年	正月	辛巳
三十八年	正月	辛巳
三十九年	正月	辛巳
四十年	正月	辛巳

三十一年	十一月	丁亥
三十二年	正月	辛未
三十三年	正月	壬辰
三十四年	正月	辛丑
三十五年	正月	丁酉
三十六年	正月	辛卯
三十七年	正月	壬寅
三十八年	正月	辛卯
三十九年	正月	癸丑
四十年	正月	癸丑
四十一年	正月	戊午
四十二年	正月	辛酉
四十三年	正月	辛酉
四十四年	正月	辛酉
四十五年	正月	辛酉
四十六年	正月	辛酉
四十七年	正月	辛酉
四十八年	正月	辛酉
四十九年	正月	辛酉
五十年	正月	辛酉

四十年十一月甲戌
四十一年正月辛巳
四十二年正月己卯
四十三年正月甲申
四十四年正月辛未
四十五年正月庚寅
四十六年正月辛卯
四十七年正月乙未
四十八年正月辛卯
四十九年正月庚子
五十年正月辛巳
五十一年正月乙巳
五十二年正月辛丑
五十三年正月庚戌
五十四年正月辛丑
五十五年正月丙辰
五十六年正月辛酉

五十年正月辛酉
 五十一年十一月丙寅
 臣等謹按

南郊祀典極隆我

朝

列聖事

天之誠備著典冊

皇上丕承

帝貺昭格彌虔自臨御以來無歲不躬親將事茲自乾隆

元年至五十年凡冬至大祀及土辛祈穀

親詣月日敬謹彙登以昭隆禮嗣後億萬斯年統俟按
時續載至孟夏雩祭自乾隆九年後亦每歲
親詣行禮敬紀月日於雩祭專門以著敬

天勤民之至意焉

皇朝文獻通考卷九十三



